

醫學實在易卷之四

閩長樂陳念祖修園著

男元犀靈石參訂

孫男

心典徽菴
心蘭芝亭

全校字

熱症十條

傷寒頭痛項強發熱惡寒身疼痛而喘無汗而
煩躁用大青龍湯溫病發熱不惡寒而口渴用
麻杏甘石湯四時感冒時法用九味羌活湯表

熱也。陽明經身熱白汗而渴。或服桂枝湯後大渴飲水。用白虎人參湯。中熱也。不惡寒但惡熱。潮熱譫語。便閉。用三承氣湯。裏實而熱也。發斑譫語。時法用三黃解毒湯。犀角地黃湯。裏熱也。頭痛惡寒發熱而譫語。小便短赤。大便閉者。用防風通聖散。表裏俱實俱熱也。法詳傷寒門不贅。

傷寒表熱討

太陽煩躁無汗者用大青龍。麻杏石甘湯。溫病宗。

九味羌活湯。冲和又名冲和湯。易老製。能令表熱自

肌鬆。

傷寒中熱裏熱詩

汗渴心煩白虎湯。陽明經熱救中方。三黃解毒

散。犀角地黃湯。熱歸裏。結實未成此法良。

傷寒熱入於裏而實及表裏熱實詩

晡潮便結語言狂。熱結陽明承氣湯。無汗不

便表裏實。防風通聖有兼長。

口糜齩爛出血。心肺胃之火盛也。宜甘露飲主之。俗名雙蛾。單蛾。卽方書所謂喉痺也。雙蛾易治。單蛾難治。由心腎之火乘肺也。宜刺手太姆指出血。又以導赤散加桔梗貝母射干治之。是爲反治法。二證若服涼藥不愈。宜用附子片以白蜜蒸熟。含嚙其汁。又以通脈四逆湯加豬膽汁人尿與服。又以桂附八味湯加黃連少許。水浸

冷服是爲從治法。此症不可純用涼藥。恐上熱未除。中寒復起。毒氣乘虛入腹。上喘下泄。手足厥冷。爪甲青。口如魚口者死。

經義內經云、一陰一陽結。謂之喉痺。一陰謂心主。

一陽謂三焦。二脈並結於喉。氣熱內結。故爲喉痺。

附引三條

咽者、嚥也、喉者、候也、咽接三腕以通胃。故以

之嚥物。喉通五藏以系肺。故以之候氣。氣喉
穀咽。皎然明白。千金謂喉嚥主通利水穀之
道。咽門主通藏府津液神氣。誤也。

喉以納氣。故曰喉主天氣。咽以納食。故曰咽
主地氣。

喉風喉痺。皆由膈間素有痰涎。或因七情不
節而作。火動痰上。壅塞咽喉。所以內外腫痛。
水漿不入。言語不出。可謂危且急矣。

口糜齩爛詩

口糜齩爛火之炎。只盼慈雲甘露飲。露喉痺

生蛾導赤散。四逆通脈四逆湯加桔梗從治

以熱攻熱謂之從治繼鍼砭

吐血咯血、欬血、鼻衄、齒衄、舌衄、大便血、血淋、血

崩、等證。皆為血不循經之病。經者常也。血所常

行之路也。血生於中焦。半隨衝任而行於經絡。

半散於脈中。而充肌腠皮毛。若外有所感。內有

所傷。則血不循經道而行。從上而溢。則爲吐血。欬血。咯血。鼻衄。齒衄。舌衄。等證。從下而洩。則爲大便血。溺血。血淋。婦人血崩等證。不必有五臟六腑之分也。且五藏有血。六府無血。觀剖諸獸腹。心下夾脊包絡中多血。肝內多血。心脾肺腎中各有血。六府無血。近時以吐血多者。謂吐胃血妄甚。凡吐五藏血。卽死。若吐衄崩下諸證。皆是經絡散行之血也。謂因五藏六府之病而致。

血則可。謂血從五藏六府之中而出。則不可也。余讀本草經內經金匱及千金等書。別有所悟。新刮青竹茹一搵。隨宜佐以寒熱補瀉之品。一服卽效。所以然者。人身之脈絡不和。則充膚熱肉。澹滲皮毛之血。不循行其常道。則上吐衄而下崩中。今得竹茹以和之。是以竹之脈絡。通人之脈絡而爲治也。若從風寒得者。麻黃湯加味可用。若從酷暑得者。竹葉石膏湯。白虎湯。六一

散可用。若從秋燥得者。瀉白散可用。諸經之火熾盛者。四生丸可用。六味地黃湯亦可偶服。皆治標之劑也。若固元湯之平補。理中湯之溫補。甘草乾薑湯之補其上。黃土湯之益其中。下與褚氏遺書所言。血雖陰類。運之者其陽和。二句均得各大家不言之秘。余於此證各方。俱加鮮竹茹三四錢。爲效甚速。或另以大黃桃仁行血破滯之劑。折其銳氣。滑伯仁云。血既妄行。遺失

故道不去。血行瘀。則以妄爲常。曷以禦之。且去者自去。生者自生。何虛之有。尤在涇曰。去者自去。生者自生。人易知也。瘀者未去。則新者不守。人未易知也。細心體驗。自見。此證不專屬於熱。因內經有不遠熱則熱至。血淫血泄之病生句。故列於熱證。

血證詩

血隨氣布

四字
精細

要循經、失

其常

度奔騰若迅霆、

寒則麻黃

冬寒

湯加減蓋以麻黃能散血行於經絡肌腠皮毛環轉流行不息

斯不致上溢

下溢之患矣李東垣麻黃人參

芍藥湯暗合此意張隱菴用紫蘇梗時賢用

荆芥溫桂去秋宜瀉白散

夏膏靈竹葉石膏湯或

白虎湯皆以

四生丸

妙在鮮荷艾六味

湯功

石膏為主

歸澤瀉苓解到理中

湯

黃土

湯

外導行脈絡

竹皮青

下血久不止用斷紅丸詩

任脈衝脈血海督脈

司權專取竒經得秘傳

續斷三錢同側栢。鹿茸一具斷紅丸。側栢葉炒香續

斷酒炒各三錢鹿茸一具酥炙醋煮阿膠為丸每服四五十九烏梅湯人參湯任下○鹿茸有血衝任之血最盛從督而布護也此為下血久不止證深一層以用藥

血證窮極用當歸補血湯詩

血雖陰類運陽和。內經及漢唐諸家秘旨運藉黃芪黃芪

質輕而行速用倍多少佐當歸陰得主陰以陽為

取其善運笑他門外怪云何。甲子歲余治某下血症議

上得主有常用此方門外漢以黃芪作脹阻之。另服止血套藥愈後癩症百出

卷之四

喘促者。氣上衝而不得倚息也。與痰飲欬嗽哮
證參看。有內外虛實四症。外證爲風寒。以小青
龍湯加杏仁主之。內證爲水飲。以小半夏湯加
茯苓八錢主之。實證非氣閉不開。卽肺脹不約。
氣閉因支飲壅滿。呼吸不能自如。以葶藶大棗
瀉肺湯主之。肺脹其人喘目如脫。狀脈浮大者。以
越脾加半夏湯主之。虛證非脾虛不能轉運。卽
腎虛不能吸納。脾虛以六君子湯加乾薑細辛

五味子主之。腎虛宜真武湯。黑錫丹主之。亦有
氣短為微飲。宜從小便去之。出氣短者。宜荅桂
甘木湯。入氣短者。宜腎氣丸。此症不盡屬於熱。
緣內經有諸逆上衝。皆屬於火句。故屬於熱症。

喘促詩

喘分內外實虛醫。內飲小夏湯外感小龍兩

路馳氣阻實痰葶。下大棗瀉肺為實脹越

脾湯施虛而不運。不運脾虛六君子助虛若離根

醫方類聚卷之四

腎氣上奔真武湯

追導飲利便小呼吸辨

呼氣短宜從太

陽以化氣吸氣短宜從少陰以納氣桂甘

苓桂甘木湯

腎氣丸

古遺

規此首限于字母四字化為六字俱要平提明提出故不能合法

哮喘證寒邪伏於肺膈。痰窠結於肺膜。內外相應。

一遇風寒暑濕燥火。六氣之傷即發。傷酒傷食

亦發動。怒動氣亦發。役勞房勞亦發。一發則肺

膈之寒氣與肺膜之濁痰。狼狽相依。窒塞關隘。

不容呼吸。而呼吸正氣。轉觸其痰。軒動有聲。非